



TOSHKENT HAQIQATI

1928 yil 11 dekabrda asos solingan

Муносабат

МУСТАҲКАМ ПОЙДЕВОР

Бугун Янги Ўзбекистон "Инсон қадри дустувор бўлган жамият ва халқарвар давлат" деган муҳим ғоя негизда барпо этилмоқда.

Юртбошимиз белгилаб берган бу улғувор мақсад асосида халқимиз янгидан-янги ислохотларнинг ҳақиқий муаллифи ва иштирокчисига айланиб бормоқда. Ҳар қандай давлатнинг тарихий тараққиёт йўлидан маълумки, юртнинг жадал ривожланиши, муайян ютуқларга эришиши, халқнинг фаровон бўлиши ўша давлатда ёшлар таълим-тарбияси ва келажагига бериладиган эътибор даражасига чамбарчас bogliqlidir. **2**

Ҳоким ва ёшлар

АСЛ ЕТАКЧИ

ҚАНДАЙ
БЎЛИШИ
КЕРАК?



Нуррафшон шаҳридаги Ёшлар марказида вилоят ҳокими вазифини бажарувчи Зойир Мирзаев худуддаги маҳаллаларда фаолиятини бошлаган ёшлар етакчилари билан учрашув ўтказди. Очиқ мулоқот шаклида ўтган тадбирда вилоят сектор раҳбарлари ва тегишли мутасадди идоралар вакиллари ҳамда барча туман-шаҳарлардаги студиялардан ёшлар етакчилари қатнашди.

Маълумки, Президентимиз ташаббуси билан ёш авлод билан манзилли ишлаш учун ҳар бир маҳаллада ёшлар етакчиси лавозими жорий этилди. Уларнинг асосий вазифалари йигит-қизлар муаммоларини ҳал этиш, касб ўрганиши ва бандлигига қўмаклашиш, буш вақтларини мазмунли ташкил этиш билан шуғулланишдан иборатлиги белгиланди. Шундан келиб чиқиб,

вилоят раҳбари ёшлар етакчилари билан учрашиб, бу борада фикр-мулоҳазалари билан ўртоқлашди. Ҳафтанинг душанба кунини ёшлар ташаббусларини қўллаб-қувватлаш кунини, деб белгилаш ҳамда фаол ёшлар етакчиларини мукофотлаш борасида ўз таклифларини билдирди.

(Давоми 2-саҳифада)

ИЛҒОР ТАЖРИБАЛАРГА ЙЎЛ

Ҳамкорлик



Татаристон Республикаси Бош вазирининг ўринбосари – саноят ва савдо вазири Альберт Каримов бошчилигидаги делегация вакиллари билан мамлакатимиздаги маҳаллий ишлаб чиқариш тармоқлари мутахассислари билан учрашди.

Хусусан, хизмат сафари давомида меҳмонлар Олмалик кон-металлургия комбинати фаолияти билан танишди.

Ўзбекистон Республикаси Иқтисодий тараққиёт ва камбағалликни қисқартириш вазирлиги ташаббуси билан ташкил этилган учрашувда Татаристон Республикасининг "Тежамкор энергоресурслар технологиялари" маркази директори ўринбосари Шамил Байрамов, марказ бўлим бошлиғи Дмитрий Радайкин ҳамда ОКМК раҳбарияти иштирок этди.

Томонлар ўзаро ҳамкорлик алоқаларини йўлга қўйиш бўйича музокаралар ўтказди. Дастлаб меҳмонлар эътиборига комбинат фаолияти бўйича батафсил маълумот берилди. "Тежамкор энергоресурслар технологиялари" маркази ҳақида тўлиқ тақдирот ўтказилди.

– Марказимизнинг асосий фаолияти корхоналарда ишлаб чиқариш самарадорлигини оширишга йўналтирилган лойиҳаларни ишлаб чиқиш ва ҳамкорлик асосида уларни татбиқ этишга қўмаклашишдан иборат, – дейди марказ директори ўринбосари Ш. Байрамов. – Бу борада дунёнинг кўплай йирик корхоналари билан йўлга қўйган ҳамкорлигимиз яхши самара берапти. Янги ҳамкорлар топилма мақсадида юртингизга келдик. Биз эксперт ташкилоти сифатида комбинат ходимлари билан билим ва тажрибаларимизни ўртоқлашишга тайёرمىз.

МАҲСУЛОТ ҲАМ, НИЯТ ҲАМ ОҚ

Қибрай туманининг "Тинчлик" маҳалласида жойлашган "Шафоат Файз" масъулияти чекланган жамияти тиббиётда қўлланиладиган дока маҳсулотларини ишлаб чиқаради. 2019 йилда иш бошлаган мазкур корхона қисқа фурсатда нафақат вилоятда, балки республикада танилиб улгурди. Корхонада ойига 40 минг тонна маҳсулот ишлаб чиқарилади.

Тадбиркорлик



– Техникалар Хитойдан келтирилган, – дейди МЧЖ раҳбари Бекзод Эркинов. – Асосий хом ашё – калава ипплар Сурхондарё, Хоразм ва Самарқанд вилоятларидан олиб келинади. Маҳсулотлар буюртма асосида тайёрланади, Россия ва Украина давлатларига экспорт қилинади. Иш икки сменада ташкил этилган корхона 4 та цехдан иборат бўлиб, босқичма-босқич ипплар дока шак-

лига келтирилади, махсус техникалар ёрдамида оқартирилади, сўнгра шакллarga ажратилиб, қадоқланади. Корхонада 50 дан зиёд аҳолининг бандлиги таъминланган. Уларнинг аксарияти "Темир дафтар"га киритилганлар. – Бу ерда бир йилдан бери ишляпман, – дейди Ойбек Фарҳодов. – Корхонада ишчилар учун зарур шароитлар яратилган. Маошимизни вақтида оламыз. Узоқдан қатновчиларга транспорт ажратилган.

ВИЛОЯТ БЎЙЛАБ

ҚУЙИ ЧИРЧИҚ тумани ҳокими А.Холмурадов "Боғистон" маҳалласида бўлиб, аҳоли билан мулоқот ўтказди. Жараёнда ҳоким ёрдамчиси, маҳалла раиси ва мутасаддилар иштирокида фуқароларнинг мунозараларига ечим топилиб, худуд инфратузилмасини янгилаш ва бунёд этиш юзасидан режа тасдиқланди.

ЧИРЧИҚ шаҳар ҳокими Д. Ҳидоят "Роҳат" ўрмон боғида амалга оширилаётган қурилиш ишлари билан яқиндан танишди. Ушбу худудга керакли барча қурилиш техникалари жалб этилган бўлиб, ҳозирда ишлар жадаллик билан давом эттирилмоқда.

ЮҚОРИ ЧИРЧИҚ тумани "Янги ҳаёт" маҳалла фуқаролари йигинида туман тиббиёт маркази шифокорлари томонидан чуқурлаштирилган тиббий кўрик ўтказилди. УЗИ, ЭКГ аппаратлари келтирилиб, кардиолог, окулист, стоматолог, гинеколог, невропатолог, терапевт сингари олий тоифали шифокорлар аҳолининг саломатлигини назоратдан ўтказишди.

ТОШКЕНТ тумани ҳокими Одилхон Рустамов маҳаллаларда фаолиятини бошлаган ёшлар етакчилари билан учрашув ўтказди. Учрашув давомида туман ҳокими ёшлар билан ишлашнинг янги тизими ҳақида фикр билдирди, қилиниши керак бўлган ишлар режаси билан таништирди.

Бир туманда ИККИ МАСКАН

Бугунги кунда энг чекка худудларда ҳам янги, замонавий мактабгача таълим муассасалари бунёд этилиб, кичкинтойлар қамрови оширилмоқда.

Мактабгача таълим



Ўрта Чирчиқ туманининг олис худудида жойлашган 2 минг 250 нафардан ортиқ аҳоли истиқомат қиладиган "Аранши" маҳалласида 120 ўринга мўлжалланган мактабгача таълим ташкилоти болаларни қабул қилиш учун шай ҳолатга келтирилди. **3**

Тошкент вилояти қишлоқ хўжалиги маҳсулотларини тайёрлаш, аҳоли томорқаларидан самарали фойдаланиш бўйича ўзининг бой тажрибаси ва имкониятига эга худудлардан ҳисобланади.

ТОШКЕНТ ВИЛОЯТИ ТАЖРИБАСИ: ТОМОРҚАЧИЛИК



Худудда аҳоли томорқаларидан самарали фойдаланишни ташкил этиш мақсадида Ўзбекистон фермер, деҳқон хўжалиқлари ва томорқа ер эгалари Кенгаши ҳузурдаги жамғармага 2018-2021 йилларда 57,9 миллиард сўм ажратилган. Ушбу маблағнинг 20,6 миллиард сўми томорқалардан фойдаланиш самарадорлигини оширишга, 7,7 миллиард сўми фермер ва деҳқон хўжалиқлари фаолиятини кенгайтиришга йўналтирилган. Томорқа ер эгаларига ажратилган 20,6 миллиард сўм имтиёзли кредитлар

ҳисобидан 1 минг 537 та хонадонда иссиқхона, 210 та хонадонда 7,5 мингта парранда, 170 та хонадонда 1,2 мингдан ортиқ асалари уяси, 132 та хонадонда 5 минг 410 та қуён, 215 та хонадонда 1 минг 230 та насли қўйлар сотиб олинди, 150 гектардан ортиқ боғ ва тоқзор ташкил этилди. Натжидада 1 минг 170 та янги иш ўрни яратилди. Президентимизнинг 2021 йил март ойида Тошкент вилоятига ташрифи давомида берган топшириқларига қўра, Томорқачиликни ривожлантириш мил-

лий маркази ташкил этилди. Миллий марказнинг мақсади мевасабзавот ва боғдорчилик-деҳқончилик маҳсулотларини етиштириш ҳажмларини қўлайтириш, қишлоқ хўжалиги маҳсулотлари етиштиришнинг инновацион шакллари ва технологияларини ўзлаштириш, парранда, балиқ, қуён, асалари ва майда шохли молларни интенсив усулда қўлайтириш орқали томорқа ер эгаларининг даромадини ошириш учун томорқачилик илмини оммалаштиришда ҳар томонлама қўмаклашишди.

АСЛ ЕТАКЧИ ҚАНДАЙ БЎЛИШИ

НОКИМ ВА YOSHLAR UCHRASHUVI



Вилоят етакчиси ёшларни китобхонликка қизиқтириш, улар ўртасида адабиёт, маданият намояндалари меросини кенг тарғиб этиш лозимлигига эътибор қаратди. Ўғил-қизлар ўртасида турли спорт ўйинларини оммалаштириш юзасидан охорли таклифларни илгари сурди.

– Вилоятимизда от спорти мажмуалари, от заводларимиз бор. Нега от минишга ишқибоз ёшларимизни бу ерга олиб келмаймиз? Мен шароит қилиб беришга тайёр-

ман, ёшлар етакчилари сизлар таклиф беринг, – деди вилоят раҳбари.

Шунингдек, мулоқот давомида Зойир Мирзаев замонавий АКТ тизимларини ривожлантириш, маҳаллада бунга қизиқувчи ёшлар қобилиятдан унумли фойдаланиш масалаларини кун тартибига қўйди. Бунинг учун биринчи навбатда мактабларни илгор компьютерлар, интернет тармоғи билан таъминлаш кераклиги, ёшлар улардан эмин-эркин фойдаланиши лозимлигини таъкидлади.

Шу билан биргаликда, энг фаол, креатив ташаббускор ёшларни қўллаб-қувватлаш, бир миллион дастурчи лойиҳасини маҳаллаларда жадал

тарғиб этиш, ёшларни шунга жалб этиш кераклиги юзасидан фикр алмашилди.

Мулоқотда етакчилар ўз таклиф ва ташаббуслари, мавжуд муаммоларнинг ечимлари билан боғлиқ фикрларини эркин баён этишди.



МУСТАҲКАМ ПОЙДЕВОР



Маълумки, аҳолимизнинг ярмидан кўпроги ёшлардан иборат. Президентимизнинг яқинда қабул қилинган “Маҳаллаларда ёшлар билан ишлаш тизимини тубдан такомиллаштириш чора-тадбирлари тўғрисида”ги Қарори ёшлар сиёсатини амалга оширишда чинакам янги босқични бошлаб берди. Бу орқали ёшлар билан ишлашни янги босқичга олиб чиқишнинг вертикал тизимини яратиш, ёшлар муаммоларини бевосита маҳаллаларда ҳал этиш, таълим муассасаларида маънавий-маърифий ва тарбиявий ишларнинг самардорлигини ошириш масалалари энг муҳим устувор вазифа этиб белгиланди.

Яна бир муҳим жиҳати, қарор билан ҳар бир шаҳарча, қишлоқ, овулда шунингдек, шаҳарлар, шаҳарчалар, қишлоқлар ҳамда овуллардаги ҳар бир маҳаллада ёшлар етакчиси лавозими жорий этилди.

Маҳаллаларда ёшлар билан ишлашнинг яхлит вертикал “маҳалла – туман – вилоят – республика” бошқарув тизими яратилди. “Ёшлар баланси”ни шакллантириш, ёшлар тўғрисидаги зарур маълумотларни “Ёшлар дафтари” ва “Ёшлар портали” электрон платформаларига киритиб бериш, улар билан самарали иш ташкил қилиш шулар жумласидан.

Бир сўз билан айтганда, энди маҳалла ёшлари билан ишлаш, уюшмаган ёшларнинг муаммоларини фуқаробай ҳал этиш, уларнинг бандлигини таъминлаш, тадбиркорликка жалб этиш, жиноятчилик ва ҳуқуқбузарликнинг олдини олиш, алоҳида тоифага эга бўлган ёшлар қатлами билан яқка тартибда ишлашда тизимли муаммоларни бартараф этишга кенг имкон яратилди.

Зухра МИРҒОЗИЕВА,
вилоят ҳокимининг ёшлар сиёсати, ижтимоий ривожлантириш ва маънавий-маърифий ишлар бўйича ўринбосари

Дил сўзи

Юртимизда ёшларга эътибор давлат сиёсати даражасига кўтарилган. Президентимизнинг 2022 йил 19 январдаги “Маҳаллаларда ёшлар билан ишлаш тизимини тубдан такомиллаштириш чора-тадбирлари тўғрисида”ги Қарори фикримнинг яққол далилидир. Мазкур қарор шарафати билан шаҳар ҳокимлигида ташкил этилган махсус ишчи гуруҳ суҳбатидан ўтиб, Нурафиондаги “Янгиобод” маҳалласига ёшлар етакчиси этиб тайинландим.

ҚЎЛНИ ҚЎЛГА БЕРАДИГАН ПАЙТ



Ўрни келганда айтиш, маҳаллага ёшлар етакчиси этиб тайинлангунга қадар 19-умумий ўрта таълим мактабда етакчи сифатида ишлаб келаётган эдим. Мактабда биз фақат ўқувчилар билан ишлар эдик. Маҳалла ёшлар етакчиси фаолияти эса 30 ёшгача бўлган катта қатлами қамраб олади.

Ишни айнан маҳаллани ўрганишдан бошладик. Ўрганиш жараёнида ёшларга яратилаётган шарт-шароит ва имкониятларни ҳам тушунириб, тарғиб этиб бормоқдамиз.

Бизнинг “Янгиобод” маҳалламизда бугунги кунда 30 ёшгача 1 минг 304 нафар ёш мавжуд. Биз етакчиларга улар билан ишлашда аниқ мақсадли вазифалар юклатилган. Ойлик маоши ҳам яхши. Бугун ёшлар билан бирлашиб, маҳалламизни мамлакатимизнинг энг олди ҳудудларидан бирига айлантиришга ҳаракат қиламиз.

Бизга берилган имконият, шарт-шароит ва вазифаларни бор куч-ғайратимиз билан удралашга интилар эканмиз, жойларда ислохотлар самараси кунба кун бўйи кўрсатиб бораверади.

Ирода ХОЛБОЕВА,
Нурафион шаҳридаги “Янгиобод” маҳалласининг ёшлар етакчиси

ЎЗБЕКИСТОН РЕСПУБЛИКАСИ ПРЕЗИДЕНТИНИНГ “МАҲАЛЛАЛАРДА ЁШЛАР БИЛАН ИШЛАШ ТИЗИМИНИ ТУБДАН ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА”ГИ ҚАРОРИ ҚАБУЛ ҚИЛИНДИ

Қарорга биноан, ҳар бир шаҳарча, қишлоқ, овулда, шунингдек, шаҳарлар, шаҳарчалар, қишлоқлар ҳамда овуллардаги ҳар бир маҳаллада ёшлар етакчиси лавозими жорий этилди.

Қуйдагилар маҳалладаги ёшлар етакчисининг (кейинги ўринларда – Етакчи) асосий вазифалари этиб белгиланди:

- “Ёшлар баланси”ни шакллантириш, ёшлар тўғрисидаги зарур маълумотларни “Ёшлар дафтари” ва “Ёшлар портали” электрон платформаларига киритиб бериш, улар билан самарали иш ташкил қилиш;
- маҳаллаларда ёшларнинг бўш вақтини мазмунли ташкил этиш, миллий ҳаққ ўйинлари ва спорт турларини ёшлар орасида оммалаштириш, Беш муҳим ташаббус лойиҳалари, ёшлар фестиваллари ва бошқа маданий-маърифий тадбирларини амалга ошириш;
- ёшларнинг ижтимоий фаоллигини ошириш, иқтидор, истеъдод ва ташаббусларини рағбатлантириш ҳамда ҳаётда ўз ўрнини топишларига қўмаклашиш;
- ёшларни ватанпарварлик руҳида тарбиялаш ҳамда уларнинг интеллектуал жиҳатдан камол топишини ва маънавий ривожланишини таъминлаш;
- ҳуқуқбузарлик содир этишга мойиллиги бўлган ёшлар билан тизимли ишлаш, жазони ижро этиш муассасаларидан озод қилинган, ихтисослаштирилган ўқув-тарбия муассасаларидан қайтиб келган ёшларнинг ижтимоий-педагогик реабилитация қилиниши ва мослашувига қўмаклашиш;
- Бандлик ва меҳнат муносабатлари вазирлиги Ўзбекистон касабга уюшмалари Федерацияси Кенгаши, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда штат билликлари қисқартirilган ходимларнинг иш билан таъминланиши чораларини кўради.
- хонадонлар сони 500 тагача бўлган маҳаллада – меҳнатга ҳақ тўлашини энг кам миқдорининг 5 баравари миқдорда;
- хонадонлар сони 501 тадан 1000 тагача бўлган маҳаллада – МХТЭКнинг 5,5 баравари миқдорда;
- хонадонлар сони 1000 тадан ортқ бўлган маҳаллада – МХТЭКнинг 6 баравари миқдорда;
- Ёшлар ишлари агентлиги Етакчиларни ҳар чорак якуни бўйича ойлик иш ҳақининг 50 фоизгача миқдорда муқофотлаш ҳуқуқи берилди.

2022-2026 йилларга мўлжалланган Тараққиёт стратегиясининг биринчи йўналиши инсон кадрини юксалтириш ва эркин фуқаролик жамиятини янада ривожлантириш орқали халқпарвар давлат барпо этишидир. Хўш, инсон қадрни қачон юксала-

ди? Қачонки, оддий одамлар эртага ё яқин келажақда эмас, айнан бугун ҳаётдан, турмушдан, давлатдан рози бўлиб яшаса! Сўнгги йилларда олиб борилаётган изчил ислохотларнинг туб замирида эса ана шу ҳаётий ҳақиқат мужассам.

Жараён

“ҚУЧОҚ ОЧИБ ХАЛҚ ИЧИГА БОРАЙЛИК...”

“Обод қишлоқ” ва “Обод маҳалла” дастурлари, одамлар турмушининг “маҳаллабай” ўрганилаётгани ва муаммолар шу тартибда ҳал этилаётгани, халқ билан мулоқот, шоир Чўлпон таъбири билан айтилса, қучоқ очиб халқ ичига бориш, бутун кучни халқ ичидан олиш янги Ўзбекистон сиёсатининг фалсафасига айланаиб улгурди.

Шу кунларда Ўрта Чирчиқ тумани ҳокимининг биринчи ўринбосари Ихтиёр Қосимов раҳбарлигида тумандаги ташкилотларнинг барча мутасаддилари “Йўнғичқали” маҳалласида бўлиб турибдилар.

“Йўнғичқали” маҳалласи – Ўрта Чирчиқ туманининг энг чекка ҳудудларидан бири. Маҳалладаги 303 та хонадонда 1 минг 328 киши истиқомат қилади. Тан олиб қайд этиш керакики, маҳалланинг ўзи мисол унинг муаммолари ҳам бир четда уюм-уюм бўлиб тўпланиб қолгани рост эди. Маҳалланинг ички йўллари ёзда чанг, ёгин-сочинли кунларда лойга тўлар, симёғочлар эскиргани ва бошқа шу каби муаммолар, табиийки, маҳалла аҳлининг кайфиятига таъсир қилмай қолмасди.

Шу кунги ёғингарчилик кузатилаганига қарамай эрта тонгдан барча масъуллар “Йўнғичқали” маҳалласини пиёда айландилар, хона-



Ўтган ҳафта давомида Тошкент вилояти ҳокими вазифасини бажарувчи Зойир Мирзаев Бука туманида “маҳаллабай” ишнинг бошида турган эди. Не бахтки, “маҳаллабай” ўзгаришларнинг уфқи Ўрта Чирчиқ туманида ҳам кўриниш бера бошлади.

донма-хонадон аҳоли турмушини ўргандилар. Малакали шифокорлар ва патронаж ҳамшираларидан иборат гуруҳ аҳоли саломатлигини “хонадонбай” таҳлил қилиб, ҳар бир оиладаги кексалар ва ёндош касал-



Чирчиқ тумани Ободонлаштириш бошқармаси ва “Тоза ҳудуд” филиалининг ходимлари жалб этилиб, ободлик шу куннинг ўзида бошлаб юборилди.

– Маҳалламизда шу кунгача бундай қўламда иш бўлмаганди, десам ишонаверинг, – дейди Жуманазар Жумагулов. – Қарс икки қўлдан чиқади, дейдилар. Бизнинг маҳалламизга ҳокимнинг биринчи муовини бошлиқ барча келса-ю, бир чеккада қўл қовуштириб турсак, инсофдан бўлмайдими. Ўзимизнинг уйимизни, ўзимизнинг кўчамизни, ўзимизнинг маҳалламизни ўзимиз обод қиламиз ва раҳбарларимиз бизнинг ёнимизда турибдилар. “Йўнғичқали” маҳалласи тез кунларда бутунлай бошқа қишлоққа, янги “Йўнғичқали”га айланади.

Куннинг иккинчи ярмигача бажарилиши лозим бўлган вазифалар белгилаб олинганидан сўнг, маҳалла жамоатчилиги билан мулоқот қилинди. Ўрта Чирчиқ тумани ҳокимининг биринчи ўринбосари Ихтиёр Қосимов, туман прокурори Абдор Арипов ва барча мутасаддилар “Йўнғичқали” маҳалласини обод масканга айлантириш учун белгиланган вазифаларни аҳоли билан муҳокама қилди. Ўз

наватида, аҳолининг таклифлари ҳам инобатга олиниб, “йўл харитаси”га киритилди.

Фуқароларнинг пенсия таъминоти, соғлиқни сақлаш, тадбиркорлик ва коммунал соҳалардаги саволларига масъуллар томонидан шу ернинг ўзида жавоб берилди. Хусусан, маҳалла орасидан ўтган темир йўлда пидедалар учун қулайликлар яратилганидан, автомобиль йўли бўйича пидедалар йўлагига қуриладиган, катта зовур устидаги эски кўприк янгиладиган бўлди.

– Халқ розилиги – Ҳақ розилиги, дейиш мумкин, – дейди “Йўнғичқали” маҳалласидаги ҳоким ёрдამчиси Гофур Ҳотамов. – Хатлов давомида 200 дан ортқ хонадон ўрганилди. Февралгача ўрганишлар якунига етгач, аниқланган барча муаммо ва камчиликларнинг бартараф этилиши мўлжалланган.

Ҳақроқ, мана, бир ҳафтадирки, “Йўнғичқали” маҳалласида бошқача тонглар отмоқда. Бу ҳам, албатта, йўнғичқалиликлар кайфиятига таъсир қилмай қолмайди. Улар ислохотлар ва ўзгаришларнинг, Ўзбекистонда инсон қадрни улуг ва унинг манфаатлари ҳамма нарсдан устун эканлигига ўзларининг турмуши, ўзларининг маҳалласи мисолида иқдор бўлмоқларда.

Отабек ИСРОИЛОВ

